

BOSNA I HERCEGOVINA
Komisija za koncesije
Bosne i Hercegovine



БОСНА И ХЕРЦЕГОВИНА
Комисија за концесије
Босне и Херцеговине

Prednacrт

IZVJEŠTAJ O RADU
KOMISIJE ZA KONCESIJE BiH ZA 2018. GODINU

Banja Luka, maj 2019 godine

Broj: 01-50-1-7-48/19

Datum: 25.04.2019 godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09 i 103/09) i člana 11. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14, „Službeni glasnik BiH“, broj 64/18), člana 14. Zakona o Koncesijama BiH („Službeni glasnik BiH“, broj 32/02,56/04), Komisija za koncesije Bosne i Hercegovine podnosi:

IZVJEŠTAJ O RADU ZA 2018. GODINU

I Uvod

Program rada Komisije za koncesije BiH za 2018. godinu je usvojen na 136. sjednici Vijeća ministara BiH održanoj 20.03.2018. godine. Prihvaćene su korekcije iz ranijeg razmatranja i unešene u konačan tekst, te je Komisija u 2018. godini provodila ovakav usvojeni Program rada.

Komisija za koncesije Bosne i Hercegovine (u daljnjem tekstu: Komisija) je nezavisno regulatorno tijelo Parlamentarne skupštine Bosne i Hercegovine, u postupku dodjele koncesija. Nadležnost za dodjelu koncesija na nivou države Bosne i Hercegovine pripada Vijeću ministara Bosne i Hercegovine (u daljem tekstu: Vijeće ministara BiH) koje na prijedlog resornog ministarstva pokreće postupak dodjele koncesije i donosi Odluku o vrsti, predmetu i obimu koncesije koja se dodjeljuje, a potvrđuje je Parlamentarna skupština Bosne i Hercegovine“ - Član 4. Zakona o koncesijama Bosne i Hercegovine („Službeni glasnik BiH“ br. 32/02 i 56/04),u daljnjem tekstu Zakon.

Postupak dodjele koncesije provodi Koncedent, kojeg odredi Vijeće ministara BiH, a to može biti ministarstvo ili drugi organ Bosne i Hercegovine (član 3.Zakona). Ugovor o koncesiji potpisuje resorni ministar (član 26. Zakona), a nadzor realizacije ugovora o dodjeljenoj koncesiji vrši Komisija.

Postupak dodjele koncesija može se odvijati putem „samoinicijativne ponude“ zainteresovanih ponuđača ili putem „javnog poziva/tendera“, kada koncedent raspisuje javni poziv/tender i prikuplja ponude za projekat za koji namjerava zaključiti koncesioni ugovor. Kod samoinicijativne ponude Komisija je nadležna i za davanje ovlaštenja za direktne pregovore između ponuđača koncesionog projekta i resornog državnog ministarstva, nakon što ministarstvo potvrdi da za tu koncesiju postoji „javni interes“.

Što se tiče nadležnosti Komisija djeluje:

- u svojstvu *Komisije za dodjelu koncesija Bosne i Hercegovine* kada obavlja funkcije i vrši ovlaštenja u vezi s dodjelom koncesija koje su u isključivoj nadležnosti Bosne i Hercegovine (u daljnjem tekstu BiH). To su slučajevi kada su koncesioni projekti u sektorima koji su po Ustavu i zakonima BiH u nadležnosti BiH, ili u slučaju predstavljanja međunarodnog subjektiviteta BiH, kao npr. kada koncesioni projekti na pograničnim rijekama,

- u svojstvu *Zajedničke komisije za koncesije Bosne i Hercegovine i/ili Federacije Bosne i Hercegovine i/ili Republike Srpske i/ili Brčko Distrikta Bosne i Hercegovine* za dodjelu koncesija, nadležni organi usaglašavaju uvjete i oblik dodjele koncesije, kada se koncesiono dobro prostire i na Federaciju Bosne i Hercegovine i na Republiku Srpsku. U funkciji Zajedničke komisije rješavaju se i sporna pitanja koja nastaju u vezi sa dodjelom koncesija u Bosni i Hercegovini između entiteta i/ili entiteta i državnog nivoa vlasti.

Kod pomenutog nadzora nad provođenjem ugovora o koncesiji, zakonom je predviđeno da Komisija prati rad koncesionara za cijelo vrijeme trajanja koncesionog ugovora, odobrava rokove i uslove standardnog ugovora o pružanju usluga potrošačima, te razmatra žalbe potrošača.

Komisija ima obavezu donošenja „*Dokumenta o politici dodjele koncesija u BiH*“, te vrši praćenje izvršenja Dokumenta. Dokument o politici je donešen 2006 godine i usvojen od strane Vijaća ministara BiH (Službeni glasnik...), kao i da ima mogućnost formulisanja opštih principa koji regulišu određenu privrednu oblast.

U skladu sa Zakonom (član 17.) Komisija ima mogućnost da, na svoju ili inicijativu zainteresovane strane, „*formuliše opšte principe koji regulišu određenu privrednu oblast*“.

II Sažetak ostvarenih planiranih godišnjih rezultata

Unutar strateškog cilja rada institucija Bosne i Hercegovine, koji se odnosi na postizanje makroekonomske stabilnosti za obezbjeđenje integriranog rasta kao opšteg cilja razvoja BiH, te srednjoročnog cilja koji se odnosi na „ stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza“, Komisija od 2018. godine (u skladu sa smjernicama i odobrenjem od strane Ministarstva finansija i trezora BiH) ima novu programsku strukturu, te sve aktivnosti planira, provodi i izvještava unutar jednog programa :

Program 1: „Provođenje regulatorne i nadzorne funkcije Komisije“.

Ovaj izvještaj će prikazati rezultate prema projektnim aktivnostima kako su postavljene prema programskoj strukturi unutar ovog jednog programa, odnosno prema Programu rada za 2018. godinu:

Program 1: „Provođenje regulatorne i nadzorne funkcije Komisije“.

Projekti:

1.1. Davanje regulatornih saglasnosti u postupku dodjele koncesija.

1.2. Provođenje aktivnosti za procesuiranje samoinicijativnih ponuda i spornih predmeta kod dodjele koncesija.

1.3. Unapređenje politika iz oblasti koncesija i promocija dobre prakse.

Projekat 1.1. Davanje regulatornih saglasnosti u postupku dodjele koncesija.

Aktivnost 1.1.1. Davanje svih regulatornih saglasnosti u postupku dodjele koncesija predviđenih zakonom

Komisija kao nezavisni regulator daje regulatorne saglasnosti u postupku dodjele koncesija u različitim fazama postupka, u zavisnosti da li se radi o postupku izbora koncesionara putem javnog poziva/tendera ili putem samoinicijativne ponude. Komisija za koncesije BiH odnosno Zajednička komisija za koncesije BiH, u zavisnosti od statusa koncesionog dobra za čije iskorištavanje ili izgradnju infrastrukture se dodjeljuje koncesija, daje saglasnosti na: 1. studije ekonomske opravdanosti 2. tenderske uslove i 3. nacrt ugovora o koncesiji za:

- a)Projekte po osnovu vlasništva Bosne i Hercegovine nad koncesionim dobrom ili u slučaju predstavljanja međunarodnog subjektiviteta Bosne i Hercegovine,
- b)Projekte gdje se koncesiono dobro prostire u oba entiteta Bosne i Hercegovine ili Brčko Distrikta BiH.

U 2018 godini Komisija nije davala regulatorne saglasnosti u postupcima dodjele koncesija za navedenu vrstu projekata, što je posljedica nepokrenutih aktivnosti ministarstava na nivou BiH za dodjelu koncesija kao i izostanka interesa potencijalnih koncesionara kroz samoinicijativne ponude za dodjelu koncesija.

U sektoru transporta, nije bila nastavljena očekivana aktivnost pokrenuta u 2017. od strane Ministarstva transporta i komunikacija BiH, za dodjelu koncesije za izgradnju dionice Tarčin-Ovčari (ili Rudanka-Medakovo). Takođe, ostale neizgrađene dionice na Autoputu na Koridoru VC nisu bile predmetom odlučivanja da se za njihovu izgradnju dodjeli koncesija, iako je studija ekonomske opravdanosti dobila saglasnost Komisije još 2007. godine. Nije bilo aktivnosti koje bi vodile planiranju za dodjelu koncesija za izgradnju transportne infrastrukture na trasi transportnih međunarodnih koridora između BiH i neke od susjednih država.

U sektoru energetike nije bilo aktivnosti od strane Ministarstva vanjske trgovine i ekonomskih odnosa za dodjelu koncesija za izgradnju energetskih postrojenja na rijekama u graničnom pojasu Bosne i Hercegovine, gdje nadležnost regulatora ima Komisija, kao ni zajedničkih aktivnosti entitetskih ministarstava na dodjeli koncesija za ovakve objekte.

Takodje, nije bilo ni samoinicijativnih ponuda u oba ova sektora za dodjelu koncesija.

Projekat 1.2. Provođenje aktivnosti za procesuiranje samoinicijativnih ponuda i spornih predmeta kod dodjele koncesija.

Aktivnost 1.2.1. Razvijanje i unapređenje procedura koje se odnose na efikasnije procesuiranje samoinicijativnih ponuda

Ova planirana aktivnost se odnosi na unapređenje procedura u državnim ministarstvima kada dobiju samoinicijativnu ponudu za koncesiju od ponuđača u smislu njihovog postupanja po samoinicijativnoj ponudi, kako je predvidio Zakon o koncesijama. Cilj aktivnosti je da se radi na *popunjavanju pravnih praznina i razvijanju metodološkog pristupa u vezi sa:*

- utvrđivanjem "javnog interesa" za davanja koncesije po osnovu samoinicijativne ponude
- utvrđivanjem načela i modaliteta za definisanje *koncesione naknade* kod samoinicijativne ponude i kada se koncesija dodjeljuje po osnovu javnog poziva

Iako je planiran rad sa tri ministarstva, aktivnost se provodila sa Ministarstvom vanjske trgovine i ekonomskih odnosa i Ministarstvom transporta i komunikacija. Ovakva aktivnost je bila planirana da se provodi i sa Ministarstvom finansija, naslanjajući se na veći broj ranije podnešenih samoinicijativnih ponuda za koncesije za objekte BiH koji se nalaze u R.Hrvatskoj ("Vila Aurora" i "Bosanka"). Budući da je ovo pitanje imovine neriješeno, aktivnost sa ovim Ministarstvom se za sada ne provodi.

Trenutno ne postoje procedure niti smjernice koje bi pomogle da se ministarstva kada zaprime samoinicijativnu ponudu očituju da li za ponuđeni koncesioni projekat postoji "javni interes" ili ne, što je prvi korak u realizaciji koncesije putem samoinicijativne ponude.

Ministarstvo vanjske trgovine i ekonomskih odnosa pokazalo je interes za zajednički rad na formulisanju procedura u vezi javnog interesa, kao i koncesione naknade. Oformljena je radna grupa sa članovima iz Ministarstva i Komisije za izradu koncepta procedura za njihovo definisanje, koje bi u narednom koraku mogle poslužiti kao osnova za izradu formalnih procedura koje bi Ministarstvo koristilo kada se dobije samoinicijativna ponuda za koncesiju. Ujedno su se Ministarstvo vanjske trgovine i ekonomskih odnosa i Komisija za koncesije BiH složili da je potrebno šire sagledati problem definisanja "javnog interesa" zbog kompleksnosti samog pitanja kao i trenutno nepostojećih zakonskih rješenja u BiH koja bi upućivala na postupak, nadležna tijela, rokove, kao i na pravne posljedice proistekle iz definisanja "javnog (ili opšteg) interesa".

Stoga je prevladalo opredjelenje da se ova aktivnost nastavi paralelno sa aktivnostima projekta Ministarstva i USAID EIA koji je ishodio izvještajem "Analiza pravnog okvira i preporuke za otklanjanje prepreka za investiranje u sektor energije u Bosni i Hercegovini" sa obradjenom problematikom pitanja „javnog interesa“ kao i problematikom koncesija u BiH. Kroz detaljnu analizu pravnog okvira, te svih prepreka za izdavanje

dozvola u procesima odobravanja za sve nivoe odlučivanja za investiranje u energetske sektor u BiH, izvještaj je posebno naglasio sadašnji problem kod davanja statusa „javnog interesa“ projektima u energetskom sektoru, što usporava sve procese (dobijanje dozvola) koji prethode realizaciji ovakvih projekata bez obzira da li se investira putem koncesija ili angažovanjem kapitalnih sredstava na druge načine. Izvještaj "Analiza pravnog okvira i preporuke za otklanjanje prepreka za investiranje u sektor energije u Bosni i Hercegovini" sa preporukama koje su, između ostalih, date i za pitanje „javnog interesa“, je završen krajem 2018.godine i dobio je pozitivno mišljenje Komisije za koncesije BiH u proceduri davanja mišljenja prije upućivanja na razmatranje i usvajanje Savjetu ministara BiH u februaru 2019. godine.

Aktivnost se nastavlja u 2019. godini.

Sa Ministarstvom transporta i komunikacija je u drugoj polovini 2018. godine pokrenuta je ista programska aktivnost, predložena radna grupa, te se cijela aktivnost takođe nastavlja u 2019. godini.

Krajnji rezultati ove aktivnosti bi bile:

1. Usvojene procedure na osnovu kojih bi državna ministarstva mogla verifikovati postojanje javnog interesa za koncesioni projekat iz samoinicijativne ponude u oblasti energetike i transporta.
2. Usvojena metodologija (smjernice, uputstvo) na osnovu koje bi državna ministarstva mogla definisati nivo koncesione naknade bez obzira da li se radi o postupku javnog poziva ili samoinicijativne ponude.
3. Pravila o administriranju samoinicijativnih ponuda (međusobno obavještanje).

Aktivnost 1.2.2. Rješavanja u slučaju spornih predmeta

Komisija nije zaprimila u 2018. godini nijedan zahtjev za rješavanje u spornom predmetu po osnovu dodjele koncesija.

Projekat 1.3. Unapređenje politika iz oblasti koncesija i promocija dobre prakse.

Aktivnost 1.3.1. Uraditi stručnu analizu EU Direktive 23/2014 o koncesijama

Komisija je Programom rada planirala uraditi stručnu analizu EU Direktive 23/2014 o koncesijama sa ciljem identifikovanja odredbi Direktive koje su obavezne za transponovanje u Zakon o koncesijama BiH, odnosno odredbi koje se mogu prenijeti i onih koje su neprenosive.

Imajući u vidu složenost ovakve analize i preporuku Savjeta ministara od 23.05.2018. god. o korištenju TAIEX instrumenta pomoći EU, kao i obavezu transponovanja EU standarda u zakone u BiH koji se tiču javnih nabavki, koncesija i JPP do 01.06.2021. god., Komisija je u oktobru

2018. godine podnijela aplikaciju za dobijanje tehničke pomoći kroz TAIEX za rad na analizi usklađenosti Zakona o koncesijama BiH i EU Direktive o koncesijama. Aplikacija je odobrena u decembru 2018. godine, sa odobrenom planiranom posjetom ekspertnog tima iz EU u februaru 2019. godine. Ekspertna misija je boravila u Komisiji u periodu od 22.02 do 01.03. 2019. godine.

Zajedno sa zaposlenima u Komisiji i državnim službenikom iz Direkcije za evropke integracije napravljeno je poredjenje i izvršena identifikacija odredbi iz Direktive koje bi se, u procesu transponovanja, morale prenijeti u Zakon o koncesijama, kao i odredbi koje bi se modifikovale na način kako Direktiva to omogućava zemljama koje je preuzimaju rješenja u svoje zakonodavstvo. U okviru posjete ekspertnog tima iz Agencije za investicije i konkurentnost R.Hrvatske, napravljene su i dvije prezentacije nalaza i preporuka za predstavnike državnih i entitetskih institucija iz oblasti energetike i transporta, u Banjaluci i Sarajevu. Rezultat cijele aktivnosti je pretočen u „Informaciju o Izvještaju Ekspertske misije TAIEX za tehničku podršku Komisiji za koncesije BiH sa nalazima i preporukama“ koji je u procesu prikupljanja mišljenja relevantnih institucija da bi se uputio na razmatranje i usvajanje Savjetu ministara BiH.

Aktivnost 1.3.2. Revidiranje Dokumenta o politici dodjele koncesija u BiH

Komisija je planirala da u 2018. godini izvrši reviziju Dokumenta o politici dodjele koncesija u BiH, s obzirom na niz promijenjenih okolnosti od 2006. godine kada je Savjet ministara BiH usvojio Dokument. Započeta je aktivnost analiziranja novih strateških opredjelenja proizašlih iz okvirnih strategija za BiH, prvenstveno za oblasti transporta i enregetike. Aktivnost je nastavljena u 2019. godini.

Tako „Okvirna energetska strategija BiH do 2035.godine“ (oktobar 2018. godine) u odjeljku koji se odnosi na direktna strana ulaganja daje pregled smjernica za smanjenje prepreka za ulaganja u energetski sektor, navodeći za sektor koncesija smjernicu „uskladiti zakone o koncesijama te unaprijediti saradnju između BiH i entiteta“¹.

U dokumentu „Okvirna strategija prometa“ do 2030. godine, predstavljeni su projekti ili potrebe za planiranim investiranjima (intervencijama) u svim područjima transporta, dok se eksplicitno investicije putem koncesija navode samo u akcionom planu za FBiH za dvije cestovne dionice. Na više mjesta u ovoj strategiji je predočeno da postojeći modeli finansiranja projekata predstavljaju ključni problem razvoja sektora transporta u BiH.

Komisija će u okviru revidiranog Dokumenta o politici uraditi detaljnu analizu strateških dokumenata i međunarodnih sporazuma n osnovu kojih će napraviti pregled projekata za moguća koncesiona ulaganja po sektorskim područjima (npr. obnovljivi izvori energije u energetici ili drumski saobraćaj u sektoru transporta), te ukazati na ključne tačke poslovanja javnog sektora koje se, sa aspekta privlačenja privatnog kapitala, trebaju razvijati ili mijenjati, kako bi javni sektor postao i kreator i partner u implementaciji koncesionih (i jpp) ugovora.

¹ Okvirna energetska strategija za BiH do 2035 godine, strana 17.

II – IZVJEŠTAJ O PROVOĐENJU AKCIJSKOG PLANA GODIŠNJEG PROGRAMA RADA KOMISIJE ZA KONCESIJE BiH za 2018. god.
Opći cilj / načela razvitka: Integrirani rast
Strateški cilj: 1. Makroekonomska stabilnost
Srednjoročni cilj: 1.1 Stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza

Program i projekt	Nositelj provedbe programa i projekta	Pokazatelji					Troškovi	Realizirani troškovi sa izvorima financiranja					Konačni rok za izvršenje projekta (godina)	
		Pokazatelj rezultata po projektu	Jedinica mjerenja (%; broj ili opisno)	Polazna vrijednost (2017)	Ciljana vrijednost (2018)	Ostvarena vrijednost (2018)		Komentar (Ukoliko ostvarena vrijednost nije jednaka planiranoj vrijednosti)	Planirani troškovi	Proračun	Kredit	Donacije		Ostali izvori
1	2	3	4	5	6	7	8	9	10	11	12	13		
Program 1 Provođenje regulatorne i nadzorne funkcije Komisije														
Projekat 1.1. Davanje regulatornih saglasnosti u postupku dodjele koncesija.	Komisija za koncesije BiH	Saglasnosti date na svaku zakonom predviđenu aktivnost	%	100	100	100	Nije bilo aktivnosti od strane resornih ministarstava niti samoinicijativnih ponuda za koncesije koje bi rezultirale davanjem neke od zakonom predviđenih aktivnosti	364.400	220.000	0	0	0	220.000	kontinuirano
Projekat 1.2. Provođenje aktivnosti za procesuiranje samoinicijativnih ponuda i spornih predmeta kod dodjele koncesija														

Aktivnosti :														
1.2.1 Razvijanje i unapređenje procedura koje se odnose na efikasnije Procesuiranje samoinicijativnih ponuda sa tri resorna ministarstva	Komisija za koncesije BiH	Prijedlozi završeni i upućeni u tri resorna ministarstva	broj	1	3	2	Aktivnost se umjesto sa tri ministarstva provodi sa dva ministarstva, tj. Za sada se ne provodi sa Ministarstvom finansija zbog neriješenog pitanja imovine BiH.	207.200	198.000	0	0	0	198.000	2020.
1.2.2. Rješavanja u slučaju spornih predmeta	Komisija za koncesije BiH	Provedene i sve Zakonom predviđene radnje u slučaju spornih koncesija	%	100	100	100	Komisiji nije dostavljan ni jedan zahtjev za reješavanje u spornim predmetima kod dodjele koncesija	103.600	40.000				40.000	kontinuirano
Projekat 1.3.Unapređenje politika iz oblasti koncesija i promocija dobre prakse.														
Aktivnost: 1.3.1.Uraditi stručnu analizuEU Direktive 23/2014 o koncesijama	Komisija za koncesije BiH	Stručna analiza-izvještaj	broj	0	1	0	Dobijena je tehnička pomoć kroz instrument TAIEX na kraju 2018. god., aktivnost nastavljena u 2019.	103.600	190.000	0	0	0	190.000	2019. godina
1.3.2. Revidirati Dokument o politici dodjele koncesija u BiH	Komisija za koncesije BiH	Revidiran Dokument i poslan an usvajanje	broj	0	1	0	Uradjene analize starteških dokumenata i medj. sporazuma, aktivnost se prenosi u 2019.god	207.200	125.583	0	0	0	125.583	2019. godina

III ZBIRNI PREGLED ZAKONA PLANIRANIH GODIŠNJIM PROGRAMOM RADA VIJEĆA MINISTARA

Opći cilj/principi razvoja:

Strateški cilj:

Srednjoročni cilj:

Naziv zakona	Razlozi donošenja zakona*	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6

*Nije bilo planirano donošenje zakonskih akata u 2018. godini***IV ZBIRNI PREGLED PODZAKONSKIH AKATA PLANIRANIH GODIŠNJIM PROGRAMOM RADA VIJEĆA MINISTARA**

Opći cilj/principi razvoja:

Strateški cilj:

Srednjoročni cilj:

Naziv podzakonskog akta	Razlozi donošenja podzakonskog akta*	Usklađivanje sa pravnim nasljeđem EU (DA/NE)	Prethodna procjena uticaja propisa (DA)	Sveobuhvatna procjena uticaja propisa (DA/NE)	Planirani kvartal za provođenje
1	2	3	4	5	6

*Nije bilo planirano donošenje podzakonskih akata u 2018. godini ni međunarodnih ugovora..***V ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA VIJEĆA MINISTARA**

Opći cilj/principi razvoja:

Strateški cilj:

Srednjoročni cilj:

Naziv međunarodnog ugovora	Razlozi za zaključivanje međunarodnog ugovora*			Sveobuhvatna procjena uticaja propisa (DA/NE)	Planirani kvartal za provođenje
1	2			5	6

VI – IZVJEŠĆE O JAVNIM INVESTICIJAMA PLANIRANIM GODIŠNJIM PROGRAMOM RADA KOMISIJE ZA KONCESIJE BiH

Opći cilj / princip razvoja: Integrirani rast

Strateški cilj: 1. Makroekonomska stabilnost

Srednjoročni cilj: 1.1 Stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza

Naziv projekta javnih investicija	Nositelj aktivnos	Očekivano razdoblje provedbe	Završen (DA/NE)	Status (u postupku, odloženo, prekinuto)	Komentar
1	2	3	4	5	6
Program 1: „Provođenje regulatorne i nadzorne funkcije Komisije“.					
Projekat 1.3. Unapređenje politika iz oblasti koncesija i promocija dobre prakse.					
Obuka državnih službenika iz oblasti koncesija i javno-privatnog partnerstva IBiH-PZK-1	Komisija za koncesije BiH	2019,2020	NE	Kandidovan	Ovaj kandidovani projekat odnosi se na obuku državnih službenika o koncesijama i JPP na osnovu analize o znanju o koncesijama i jpp i potrebama za obukom kod državnih službenika u BiH u resorima gdje se mogu dodjeljivati koncesije. Projekat ima status kandidovanog projekta zbog mogućnosti dobijanja donatorskih sredstava.

VII – IZVJEŠĆE O TEMATSKOM DIJELU GODIŠNJEG PROGRAMA RADA VIJEĆA MINISTARA BIH

Opći cilj / princip razvoja: Integrirani rast

Strateški cilj: 1. Makroekonomska stabilnost

Srednjoročni cilj: 1.1 Stabilan i transparentan sistem financiranja BiH, upravljanje i kontrola javnim financijama i ispunjenje međunarodnih finansijskih obaveza

Naziv materijala	Nositelj aktivnosti	Planirani kvartal za provedbu	Upućeno Vijeću ministara (DA/NE)	Razmatrano na Vijeću ministara (DA/NE)	Komentar
1	2	3	4	5	6
1. Unaprijediti zakonska rješenja i politike u provođenju regulacije dodjele koncesionih projekata					
1.1. Izvještaj o radu Komisije za koncesije za 2017. god	Komisija za koncesije BiH	II	DA	DA	Izvještaj o radu nije razmatran.

Izvješće o provedenim konzultacijama kod izrade programa rada

Na temelju člana 11. stava (1) tačka 4. Odluke o godišnjem planiranju rada i načina praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) Komisija za koncesije Bosne i Hercegovine d o s t a v l j a

I Z J A V U

o provedenim javnim konzultacijama za Nacrt Izvještaja o radu Komisije za koncesije BiH za 2018. godinu

1. Ispunjene su minimalne obveze u pogledu obavljanja konzultacija;
2. Nacrt Izvješća o radu Komisije za koncesije Bosne i Hercegovine za 2018. godinu nema značajnijeg utjecaja na javnost (primjenjujući kriterije navedene u člancima od 9. do 13. Pravila za konzultacije u izradi pravnih propisa);
3. Komisija za koncesije Bosne i Hercegovine je na osnovu člana 11. stav (1) tačka 4. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14) obavila javne konsultacije u postupku pripreme Izvještaja o radu za 2018. godinu. Javne konsultacije su obavljene u periodu od _____.2019. godine do _____.2019. godine, putem web sajta Komisije.

Zamjenik predsjedavajućeg
dr Milomir Amović
